



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Ioannis Berchmanni Flandro-Belgæ Religiosi
Societatis Iesv**

Cepari, Virgilio

Antverpiæ, 1630

Eius amor in Societatem Iesv.

[urn:nbn:de:hbz:466:1-46083](#)

terris, vnumque excellentissimorum Ordinum qui hodie in Ecclesiâ florent. Quam sententiam equidem credo & aliorum esse de Ordinibus quoque suis, ad quem quisque diuinitus vocari semel se existimauit. Quantumuis verò magnificè augusteque de Societate censeret; ideò tamen honestè de alijs quoque Religiosæ vitæ generibus sentiebat, ut nec earumdem familiarum alumni dignus quidquam in earum laudem adferre potuissent; quin imò acquieuiscent, applau- siffentque potius, si differentem eum audi- uissent.

Quemcumque virum Religiosum in plae-
teis obuiàm habebat, prior ipse aperto capite
venerabatur, comitemque eiusdem officij
commonefaciebat. Dicebat hac se ratione
in Eremitis honorare S. Augustinum, in Mo-
nachis S. Benedictum, in Minoribus S. Fran-
ciscum, in Prædicatoribus S. Dominicum, in
alijs alios viros sanctitate claros. Enim uero
summa illa quam de Societate imbiberat
opinio, admirandos in eo excitabat effectus.
Ac primò amorem quemdam intimum te-
nerimumque aduersus Societatem, cuius
latis successibus gestire eum vidisses, sollici-
tum famæ ac nominis eius sempiterni, quam
Matrem scilicet appellabat. In quanto au-
tem beneficio duceret, Religioni se esse ad-
scriptum,

*Honorifi-
cus dereli-
gioſis om-
nibus Ordini-
bus ser-
mo.*

*Veneratio
in omnes
promiscue
viros Reli-
gioſos.*

*Amor in
Societatem
IESV.*

scriptum, vestibusque Religionis indutum, arguit insignis quidam pietatis actus, quem manè, inter vestiendum quotidie exercebat, imitatu dignum, atque his ab eo verbis expressum: *Cùm tunicam tenebis manu, priùs quam induaris, exosculare, latus te etiamnum dignum esse, qui vestiaris insignibus Christi.* Atque hunc amorem erga Societatem eiusque vestem ad ultimum usque vitae spiritum conseruavit; petitâ etiam in eâ veste moriendo facultate, ut mox referetur. Excellens hoc de Societate opinio, ardensque in eam affectus, non solum illi conciliabant summam in eâ viuendi quietem atque oblationem, sed & suauissimam sàpè teneritatem, quam semel iterumque mihi significauit, scripto-que expressam reliquit. Ac primùm quidem, mense Decembri anno M. DC. XX. his me verbis compellauit: *Contentissimus viuo invocatione meâ, & magnam sàpè sensi animi teneritudinem erga Societatem.* Iterum, mense Iunio anni M. DC. XXI. priùs ferè bimestri quam è viuis abiret, *Viuo, inquiebat, maximè contentus: numquam laus Deo, tentatus fui; & hoc semestri talem affectum sensi erga Societatem, qualem numquam antea.*

Dicere solebat, sperare se, duabus præcipue rebus Societatem diu incolumem fore. Primâ, quod malis omnibus in eâ pateret ad dimis-